

Aningaasaqarnermut Ataatsimiititaliap suliaq nr. 01.31.06/08-00380 pillugu pingasunngornermi ulloq 15. oktober 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 12. oktober 2008-mi ataatsimiinneranni imm. 2a)

Kalaallit Nunaata Ammerivia A/S-imi aningaasaqarnikkut inissisimaneq pillugu aalajangiiffigisassatut saqqummiusaq

Naalakkersuisut **inassutigaaat**,

Kontomi pingaarnermi 50.xx.xx-imi, Kalaallit Nunaata Ammerivia A/S-imut ingerlatsinermit tapiissutitut tunngasumi (Tapiissutitut aningaasaliissutit), aningaasaliissutit 8.000.000 kr.-inik amerlineqassasut,

kontomit pingaarnermit 20.11.50-imit, Ingerlatsinermit sillimmatitut tunngasumit, 4.000.000 kr.-it kontomut pingaarnermut 50.xx.xx-imut, Kalaallit Nunaata Ammerivia A/S-imut ingerlatsinermit tapiissutitut tunngasumut (Tapiissutitut aningaasaliissutit), nuunneqassasut,

kontomit pingaarnermit 20.05.31-mit, Kommunini aningaasartuutaanerusussanut sillimmatitut tunngasumit 4.000.000 kr.-it Kalaallit Nunaata Ammerivia A/S-imut ingerlatsinnermi tapiissutitut nuunneqassasut (Tapiissutitut aningaasaliiss utit).

Aningaasaqarnermut Ataatsimiititaliap oqaaseqaatai

Great Greenlandip 8 mio. kr.-inik aningaasaliiffigineqarnissaa Naalakkersuisut suliami matumani qinnutigaat. Great Greenlandip Kinami ameerniarnera, tunineqartartut tamarmiusut 70 %-iinik annertussuseqartoq, piujunnaarsimammat aningaasaliissuteqarnissaq pisariaqartutut isigineqarpoq.

Ingerlatsinikkut tunisatigullu allannguuteqanngitsumik suliffeqarfiup ukiumi ataatsimi ingerlatsiinnarnissaa aningaasaliinikkut qulakkeerneqassasoq qinnuteqaammi allassimavoq. Suliami aalajangiisoqartinnagu Naalakkersuisunut makku apeqqutiginnissaat ataatsimiititaliamit kissaatigineqarpoq:

Qinnuteqaat naalakkersuisoqarfinnut arlalinnut tusarniaassutigineqarsimasoq isummernissamut tunngavissiami allassimavoq, allassimangilarli tusarniaanermi akissu teqaatit ilanngunneqarsimanersut imaluunniit nangaassuteqartoqarneranik oqaatiginnittoqarsimanersoq. Missingersuusiornermut malittarisassami 2008-meersumi imm. 4.3-mi ima allassimammat Aningaasaqarnermut Ataatsimiititaliamit eqqumaffigeqquneqassaaq:

"Naalakkersuisut isummernissaannut tunngavissiami allanneqassaaq isummernissamut tunngavissiaq Aningaasaqarnermut Nunanullu allanut Naalakkersuisoqarfimmi kiisalu naalakkersuisoqarfinniallani tusarniutigineqarsimasoq oqaaseqaatillu naleqqussarlugit ilanngunneqarsimasut."

Missingersuusiornermut malittarisassami aalajangersakkanik malinneqqullugit Naalakkersuisut Aningaasaqarnermut Ataatsimiititaliamit **kaammattorneqassapput**.

Tamatuma saniatigut tusarniaanermut akissutit qinnuteqaammi ilanngunneqarsimanersut paasissutissiissutigineqassasoq ataatsimiititaliamit kissaatigineqarpoq.

Apeqqutitut taakkununga Naalakkersuisut akissuteqaataannut ilanngullugit tusarniaanermi akissuteqaatit nuutinneri kalaallisut danskisullu nassiuteqquneqarput.

Matumani aningaasaliissuteqarnissap aningaasaliissuteqaqqinnissamik ingerlatsinermulluunniit tapiissuteqaqqinnissamik malitseqartinneqartariaqarnissaa pinngitsoortinniarlugu pilersaarutininik qanoq ittunik Great Greenland suliaqarsimava?

Suliffeqarfimmi pilersuisorisanilu pisariillisaanerit sipaaruteqarnerillu aqqutigalugit aningaasat kissaatigineqartut nassaarineqarsinnaanerit misissorneqarsimava?

Suliffeqarfiup namminersortunngorsarneqarnissaanik isumaliu tit qanoq kinguneqarsimappat?
Great Greenlandimut aningaasaliinermut taarsiullugu nunaqarfinni isorliunerusunilu innuttaasut inuuniarnikkut atugaat qulakkeerinniffigineqarsinnaappat 2 assersuutigalugu 8 mio. kr.-it aammalu kontomi pingaarnermi 50.07.16-imi, *Puisit amiinik tunisinermi akinut tapiissutinut tunngasumi*, aningaasat sinneruttut inuussutissarsiuutigalugu piniartunut toqqaannartumik tapiissutiginerisigut? Tamatumunnga ilaatinneqartariaqassagunarpoq Great Greenlandip akiliisinnaajunnaarnissaa. Suliffeqarfiup amiutai amminut allanut sanilliullutik akisunerat suliffeqarfiup aningaasaqarnikkut ajornartorsiuteqarneranut ilaatigut pissutaaqataasoq qinnuteqaammi allassimavoq. Tamanna tunisinermi akiusup appartinneqarneranik imaluunniit nunatta karsiata tunisinermi akinut annertunerusumik tapiissuteqarnissaanik kinguneqassava?
Great Greenlandip akiitsuinut nunatta karsia akiliisussannngorsinnaava imaluunniit qularnaveeqqusiisimava?
Tunisassiassanik tigooraanerup aqqissuteqqinneqarsimanera suliffeqarfiup ullumi kkut ajornartorsiuteqarneranut arlaatigut sunniuteqarpa?
Ingerlatseqatigiiffiup ingerlatai taamaatinneqassappata tunisassiassanik tigooraasut namminersortut Great Greenlandip tunisassiassanik tigooraaneranik tigusinissamut naammassinnissinnaassuseqarpat ?
Great Greenlandip aningaasaqarnikkut annertuumik ajornartorsiornera, tamatumalu nassatarisaanik aningaasaliiffigineqartariaqarnera Naalakkersuisut qanga ersarissumik paasivaat? Suliaq Naalakkersuisunit piffissami sivisunerusumi ilisimaneqarsimappat, taamaakkaluartorlu aningaasaliissuteqarnissamik qinnuteqaat piffissaq kingullerpaq aatsaat nassiullugu naammaginangitsutut tamanna Aningaasaqarnermut Ataatsimiititaliamit isigineqarpoq. Aningaasaliissuteqarnissap akuersissutigineri 2009-mi aningaasanut inatsisissatut siunnersuummut aningaasaliissutitigut sunniuteqassava?

Aningaasaqarnermut Ataatsimiititaliapaalajangiinera

Apeqqutinut siuliani allassimasunut Naalakkersuisut akissutaata utaqqineqarnissaa siunertaralugu Naalakkersuisut inassuteqaataannut isummerfiginninnissani Aningaasaqarnermut Ataatsimiititaliap **kinguartippaa**. Naalakkersuisut akissuteqaataat sapinngisamik piaarnerpaamik kalaallisut danskisullu nassiuteqquneqarpoq nuutinneralu uunga nassiunneqarluni: nch@gh.gl

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua